



天君錄



學之精人入之於其門者以學義類名類而
法解而為詞說之杜倚辦之之詳以余復案之見
物史能望中雖不為其言而亦不為其言而可
神機門天教前人所未發之古其為固不為其
遠矣其於和而為倚者則其為固不為其言而
人之心也其於和而為倚者則其為固不為其
也其於和而為倚者則其為固不為其言而
其於和而為倚者則其為固不為其言而
其於和而為倚者則其為固不為其言而



天君本記序

心學之於人大矣自濂洛諸賢以至我朝名碩或為
註解或為圖說言之極脩辨之已詳以余謏寡之見
雖使循塗守轍依樣畫葫尚不能透其萬一況可以
別拓門戶發前人所未發之旨哉然恥不若孫吳而
遂廢其兵恥不若儀秦而遂囚其舌則是畫也畫聖
人之所斥也余何必自沮自棄不試千慮之一得耶
先儒之言譬木則根也譬水則源也余將達其枝而
求其華涉其流而揚其波聊試窺管之見亦無所不
可遂不用蹈襲不事研究綯出已見作為此篇其冥

行墮填之病穿鑿傳會之罪烏敢述也其立言之法
別為序次如左

總論

取物引喻經傳之眼藏借人立名稗詭之心訣將透
經傳之奧旨而先用稗詭之餘習則其遣辭下語能
不矛盾矣乎然欲人易曉莫如引喻欲人必信莫如
立名主論既正用意頗詳則看是紀者觀過斯知人
矣

天君之稱始見於荀子而范俊心箴特褒揚之蓋君
者統萬邦而發號出令者也心為一身之統而四肢

百骸固不稟令於心然後能全其天天君者天生之
君也無位而尊無體而大其可不探其本而為之紀
哉至若土地山水臺榭官爵之稱俱出於性理羣書
而亦或有挾摘而成句者依倣而標號者知我者其
惟此書罪我者其惟此書

人之始生心只是一箇天理而已及夫孩提之時知
覺漸生而五官先為之用四五歲則性情形焉四端
感焉而有善無惡故次之以二相四司六七歲則智
竅漸開而猶如止水之平不決則不流故次之以七
竅方塘八歲則如田之種穀善養則茁茂不治則蕪

穢故次之以丹田古之教人八歲入小學良有以也
若虛度此時則善心日消惡心日長而將有杆格不
勝之患故自九年至十七年則總言其括衷本心之
弊十八歲以後知覺已成思慮已長苟非下愚皆可
教導故使二相諫之太師輔之慎獨以養其內去私
以制其外而誠意又心學之極工也故心正之後係
之以真實无妄意雖誠矣而少忽審辨之工則私易
間之故緇之以兩孽之亂亂既息矣則不可不優游
沉潜故次之以真經近錄而志不可自滿故戒之以
活水之決乍違旋復彞性既全發之於言語容貌應

之於視聽思慮無適不可然後心純乎正而至於內
省無疾所立卓爾則正心之學蔑以加焉故終之以
服藥自此以後則更無着力處故遂絕筆於三十立
之後覽者并詳之

古之人類多晚成而亦不以年邁自棄故蘧瑗五十
而覺非衛武九十而有箴人之培養成就固不限於
年紀之早晚也我國則不然僻在極東號稱朝鮮人
之生也稟太陽初出之精故未離襁褓便具知覺而
若夫就傳之齡善惡將分成童之際頭腦已判苟不
能追此而早成將未免失時而自賊故凡此為書紀

年過於迫促叙事傷於拘束後之覽是書者不必泥
看必以孔夫子十五志學三十立五十知天命七十
從心之訓參互反復可也

今此爲書專明心學淵源而全篇不露出一心字只
得隱映照管苟不沉潛乎字句之間玩索乎引喻之
意則曷以知良工用心之苦也昔有人評東坡觀稼
詩曰言水不言水言山不言山余於是記也亦然
既為史體則不可無衮鉞故每年下係之以史斷而
既為史斷則亦不必疊論心學故專以帝王家治亂
盛衰之源反復立論而其中略寓心學之本意此亦

文章家起伏法也

本紀

天君明元皇帝

謚法燭該萬理曰明

天君膺縣人姓周心要氏諱恭然字正先先心其先

曰冲漢君生于無極之鄉事天皇氏為大理卿人之

冲漢無朕攝提初贊成無為之化常渾然中處無所

適莫有子曰東降于人皇之世為中大夫教民有恒

後世有曰精歷事堯舜禹三代始制傳受法父曰腔

子有包含蘊畜之德內而不出天君生而靈靈先知

先覺及長益務存養周流運用時天下分裂訛言胥

周武王伐紂，東
施天君杖華蓋，握
赤水之陽，黃祖即
位，治水，第大君即
位。

動恭園人灰

莊子心
如死灰

葱嶺人寂

佛人心
要寂滅

各守谿谷

知

守

守

守

守

守

守

守

守

守

守

蓋

蓋

蓋

蓋

蓋

蓋

蓋

蓋

蓋

蓋

蓋

位于治水之陽國號夏

心法始

火德王

數用一色尚

赤建元中和

史氏曰姬周之先出自后稷而后稷之後有公劉

公劉之後有太王太王之後有王季精德累仁幾

百年而後始生文王文王生而明聖天乃眷顧俾

作民主故能卜世三十卜年八百有光史冊為歷

代最允帝王之興鼻祖肇基於前中葉篤烈於後

而又有不世出之聖然後天其命之始為詢業之
君今夫冲漠之事天皇而變理贊化即后稷之佐
虞舜而播時降種也東之俾民率性即公劉之匪
康而止旅也傳受之道莫重莫嚴而精能制之則
是太王之剪商也含畜之德至大至廣而腔能有
焉則是王季之貽音也四代迭興為昭為穆則餘
慶所敷宜生靈靈之天君使之承天位享天祿治
天民以垂永世無窮之報歷溯千古無愧於文王
者其惟天君乎

中和元年尊腔子

心要在為太上皇居執中堂定日

三省之禮

曰三省

雞鳴而起必問其起居動靜二節

日以為常

史氏曰太上皇之稱始自漢祖之尊太公蓋不忘
其所自出之義也然漢祖之尊太公在於六年而
天君之尊腔子在於元年漢祖出於勉強而天君
出於自然漢祖五日一朝而天君一日三省惟其
性根於天不期然而然也然則天君之德賢於漢
祖而與周武王之追尊三王足以匹休也夫

二年定都于齊

齊州

別號曰虛明界使赤子不失其

居

聖人不失赤子之心

史氏曰為國之道有三曰天時曰地理曰人和三者
闕一則國不為國二年者地數也應地之數定國之基
則天時咄矣虛以受物明以燭物則地利得矣無
知者亦子而亦得其居則人和至矣太王之來朝
胥宇武王之卜日遷鼎太王是年定都其可謂前後一揆哉

三年有五行之瑞始置五事之官庸作書以誥曰恭
水有潤澤之性人有肅敬之儀爾正爾猷為德之符
曰從火有發揚之象人有順乂之量爾出爾言斯遠
暴慢曰明木有條達之理人有觀見之用爾審爾視
無微不燭曰聰金有收藏之功人有聽聞之司爾察

甫聰非禮勿聽曰睿主有博厚之義人有周通之智
甫永甫思敬以無邪於戲予違汝弼汝無面從令色
足恭惟聖恥之類惟口出好興戎發禁躁安千里應
善言視於無形視聽於無聲聽由外達中無思不服
思於是五官分職各章其屬以佐君安國

史氏曰庖犧氏得龍瑞而紀官軒轅氏得雲瑞而
紀官大凡天道無獨運之理則龍是天之官也雲
亦天之官也天道猶然君不可以無臣臣不可以
無官於是乎象天之瑞建國之官今此五行之瑞
即龍瑞也雲瑞也以天君之德絀羲軒之治亦豈

不得其瑞而紀其官乎建官惟五而其事不一則其與周官之六卿分職同一規模也歟

四年始立左右相以淳于善

人姓純善

為左丞相田知節

人情以為田叢皆中節謂之和

為右丞相善掌天命之賦於物者常

以堯舜之道稱於君前

道性善補堯舜

知節掌人事之應於

物者引而伸之觸類而長之必入告于內不失其正

善字子有靜

人生而靜天之性

州人知節字子和長叢人

史氏曰黃帝得風后而終成垂衣之治高宗得傅說而終藉敷學之功天君得二相而終敷靈臺之化凡人君之治天下專係於宰相之得其人而宰

相之輔其君亦不外乎天命人事之得其宜而已
嗚呼使千百世為吾人者得免為夷狄禽獸之歸
者其非天君相二子之效也耶

五年建四司今信臣總之一曰惻隱之司統衆善之
長行不忍之故二曰羞惡之司明裁制之法卞萬事
之宜三曰辭讓之司掌天理之節文協人事之儀則
四曰是非之司周通萬物總執百事使爭訟曲直咸
就正焉信臣則無定位常兼察四司而補其不足時
君委任五臣大小國事必取賢而後行之五臣者亦
自以倚毗日隆輪誠竭力雖所掌不同而相濟為用

進退出入未嘗須臾離焉

史氏曰堯命羲和分宅四隅舜命一人總領四岳則隨時損益易地皆然今夫四司之名其分則四隅之宅也其事則四岳之職也周書曰官不必備惟其人四司之備官其亦惟其人乎

六年命混沌鑿七竅封比干墓立憺忽祠

史氏曰比干聖有七竅而商紂殺死則武王之光封其墓固其宜矣憺忽日鑿一竅而混沌自死則天君之特立其祠抑獨何哉周書曰肇稱殷禮咸秩無文憺忽之祠其亦無文之秩也夫

七年等方塘半畝君親製方塘賦其辭曰

彼原泉之混沌兮涵一泓其無涯初發源於濫觴
兮終順性於盈科勿搏躍於過潁兮不淆濁於混
沙義取象於育德兮如告功於無事余幼好此觀
水兮韻有術於灌溉晶真源之莫溯兮暢狂瀾之
橫潰要含畜而不洩兮指半畝而為正續鑿斯而
等斯兮沛觴汨而清淨紛既有此內美兮錫嘉名
曰方塘開一鑑之淳耀兮蘸雲影與天光固匪永
而匪廣兮爛可泳而可方滌湯盥而日新兮拓文
岸而先登余徘徊於這裡兮儘如許其得清何世

人之汨沒兮若涉川而無津既滅頂於慾浪兮又
放踵於貪泉譬行潦之無源兮可立待夫其涸或
蚩冰之互疑兮忽魚沼之匪樂卽招招而領友兮
基乃啓而乃沃觀魚得於盆池兮玩鷺性於盤渦
資之深而達原兮洞酌彼而付他中流行其自在
兮戒着物而便搖跟寧焦於陸原兮船不滿於撐
篙羌善養夫氣浩兮廓獨潛而德潤朝余沐而暮
浴兮疇克窺此渺漫離曰塘之清涵太虛塘之廣
涵柔祗塘之靜包萬彙塘之動應萬事塘之波用
則行塘之源舍則藏泳哉游哉聊以相羊

滕公問井地而
不能行天君不
問而終正隱界

史氏曰國之有池塘所以節勞佚而玩物性也故
周文之在靈沼樂其有魚鱉則天君之等方塘亦
豈無樂其樂之道哉宜其物躍之魚洋洋濊濊而
史闕其文惜哉

八年正丹田經界行惟一賦法誕降嘉種時耕堯田
者有九年之水耕湯田者有七年之旱太倉積米
是
歲日益耗損乃使耕者各受半畝耕心田者無憂俱
為聖人哉親行勸農若曰

胥中長有四時春民懷邁種聖人以為萬世土予
其明農斯占日日之豐庸具生生之理蓋聞周雅

多感發之詠戒彼驕莠之切切鄒聖勉播種之功
袞哉牛山之濯濯夏畦受病何嘗無慮而無憂宋
苗握長奈非勿忘而勿助苟或蔽物而安暴奚異
舍己而耘人是以惡莠亂苗魯聖譬養性之訓服
田力穡殷宗有敷服之箴是謂在中也畊可見無
是則餒肆於方寸之內定為尋尺之規溥博如天
起經綸於其上敦厚配地毓精英而積中禮以耕
義以種學以耨仁以收既直養而無害元為萌亨
為長利為熟貞為固倚自古而有年德稷惟馨寔
朝種而暮穫性未方苗無角畧與此疆大孰曰不

如老農徒可種自有好地時省時察寧憂山谿之
塞第日栽日培殆勝甫田之觀又得天地中和之
氣我稼既同有雨露濡之功耕者不讓夫然後
既富方穀孰不欲斯活實函於戲予將請學為稼
甬無自安惰農苟能勉勉孳孳恆戒十寒而一曝
終焉熙熙穰穰不啻二蓄而三畜故茲教示想宜
知悉

史氏曰人君生長深宮之中不知稼穡之艱難故
書著無逸詩詠七月周公所以戒成王者深且切
矣天君之政始自經界使天下耕者皆欲耕於王

造父御八駿而收
父諫意馬

之野則九一之稅可行於半畝十千之耦可觀於
聖洵若天君者可謂知仁政之所先務矣

九年馬生丹淵水中名曰意馬善驚高遠造次之間
馳逐千里君得之將周流四方收父收故諫曰君臨
惟危之人行惟微之道何不克己之私如制悍馬防
己之欲如御朽索而必欲橫逸競驟馳下九曲之羊
腸使元元之人為鬼為域坦坦之道鞠為茂草也哉
昔周穆王得八駿馬窮轍迹於萬里紫陽朱夫子作
詩曰崩奔不自悟馳驚靡終畢不有祈招詩徐方御
宸極蓋傷外物之反為主也願君懲創而回悟焉君

曰不然詩曰思無疆思馬斯臧吾之思既無疆矣吾
之馬又斯臧矣易曰良馬逐艱貞苟能不忘艱貞之
戒而不失馳驅之範則惟危之人可以自安惟微之
導可以自著夫何患焉不聽

史氏曰漢武帝時馬生渥洼水中天子以為瑞作
神馬歌用之宗廟汲黯諫不聽夫神馬非負圖之
驪渥洼非出馬之河而馬忽生之謂之不祥也亦
宜矣其後竟興窮黷從民貲馬其兆朕之先見有
如此矣今此丹淵之馬亦一渥洼之生而天君之
好之何如漢武之歌之也牧父之諫之何如汲黯

偏收之中真性
尚存心刺之象
一陽在上

之爭也其後竟致驚高遠馳千里之失嗚呼君
不役志天不降異君不貴異妖不勝德況可以視
異以為祥視妖以為瑞也哉

十年立弟彛為順彊侯

是口東彛
有順無彊

宗室禰為魏侯

魏詩

維是福心
是以為刺收為衛侯

衛詩不
收不求

史氏曰周武之諸弟有康叔之賢管蔡之惡漢景
之宗室有梁王之忠吳楚之逆不知其惡逆則是
不明也知而封之則是不仁也漢祖之智猶必顧
度武王之聖寧有是理嗚呼封建之弊一至此哉
軒轅氏有子二十五人而得姓者十四則意者其

餘十一人俱無牧民長官之德故未得昨王命氏
之典今此天君之彙所秉既正好是懿德宜錫王
姓以生庶民彼兩廢孽者或招刺譏或懷戕害雖
廢為庶人靡有子遺固不害於大義滅親之道也
何必封之為侯然後始為敦宗之風哉大舜封象
於有庠而萬章疑之鄭莊封段於京城而伯恭譏
之由是觀之封建之法尤帝王之所當審慎者也
十一年天竺國獻一株名曰悟空出西遊真經帝在六
之中這還叫也應那邊叫也應見宋收父諫曰昔者
明王慎德四內咸實畢獻方物惟學習之腐補德之

太保以服食寔用
為莊德之致收父以
鷹駟車免為莊物
之致

驥炳文之帟察理之克王乃昭物之致不役耳目御
六藝之珍駕遊道德之平林人不玩物罔或不謹今
榛東西跳踉左右叫號罔晝夜額額應接不暇非正
也請納諸胡孫之帟胡孫得蒙君子之化為君子君不
聽

史氏曰周武之時西旅貢獒而太保進戎夫以武
王之聖何損於一獒之受而太保之戒終之以一
簣之勸功則今六隄之榛無異四尺之獒而收父
之諫反切於太保之訓古之人臣炳幾防微未嘗
以細行而忽之小失而略之嗚呼商受之象著竟

致臺榭之日侈周穆之狼鹿終啓荒服之不至則
後之人君可不於是而鑑戒歟

十二年君在位日久漸不克終時有四蠹五寇二豪
七蕩之謠四蠹者長名意次必次固次我善奔走善
藏避各以其私眩惑疑似而五寇又為之內應五寇
者曰衛濮聲曰趙冶色曰甘芻乾曰溫適暖曰蒲賢
時多才能善誘引伺候於五官之門表裡於四蠹之
間而一以迎合怡悅為事每國有大舉必就謀于二
豪之家二豪者伯曰希範雷仲曰希達貴希範知聚
而不知散知取而不知予希達知進而不知退知尊

而不知卑常以貪饕榮顯為事而又與七蕩為應援
七蕩者右相之別族曰隨欣喜曰顏悻怒曰樂極哀
曰伏威懼曰鍾耽愛曰仇瞻惡曰何縱欲其初立朝
也動遵法制惟君稟令號稱七正音始為四蠹所誤
中為五寇所誘終為二豪所惑迭相綢繆剗忽靡常
自是君不親庶政舉國而委任焉

史氏曰晉獻公不甚很戾而二五先倡宋真宗亦
必怠荒而五鬼為導大凡始勤終怠人情之常安
養既久遂欲易生當是時也苟非伏節死義之操
必為阿諛取容之臣彼四五二七之徒豈盡寇賊

姦宄之姿而既無而折廷爭之風故從之而承望
求合既惑其君又誤其身為世大絃宜不哀哉

十三年君出畋于赤水之表四蠹五寇二豪七蕩皆
從之行迷魂之陳建伐性之旗駕詭禽之來關射鵠
之微橫奔競馳散無紀極騶虞之仁枉被殺害逸騏
之氣橫脫羈勒君樂之自是或一日逐馬或月一逐
馬或十旬不逐

其餘自
月至馬

史氏曰古之帝王四時之田皆於農隙以講武事
而左輔右弼前疑後丞從而扈衛羽毛車馬干戈
威揚管中法度出必卜吉逐不終日是故有威而

可畏謂之威有儀而可象謂之儀威儀棣棣謂之君人夫然後百姓喜色相告曰吾君庶幾無疾病歟何以能田獵也今天君之出畋已違其時而待從既非其人威儀又失常經則安得免濫殺橫逸之患況出入無時愈久愈遠則雖欲無危得乎伊時百姓必將疾蹙相告曰吾君有何疾病歟何為此田獵也可不惕然而警省哉

十四年君盤遊無度其臣齊應物與其徒乘時作亂將奪據王宮五子四司典信臣咸怨述五不端之戒以作歌其一曰君子體我足以長人自身而家一國興仁

今也不端論表天真無側無隱同念自新元我同此
盡歸振振端之其二曰浩然之養集我所出勝利我
肥在德為亨今也不端同善同惡我與斯人達全正
路勞勞讓讓而不自悟端之其三曰六藝之首殷因
周同進退揖讓吉凶軍實同不取食以正五倫今也
不端固有儀節一言以表宜為我設端之其四曰樂
水之性周流無滯物各付物斯為太智君子資我為
民以濟今也不端是非都表小而挈瓶大而括囊謹
一用殊終焉自戕端之其五曰事人治民我積乃成
化及豚魚寶為甲冑始也用我靈祐可行今焉舍我

輓輒俱傾哀彼四友隨感不見君如改諸攜手後先

信之端

史氏曰太康畋于洛表而后羿距河天君畋于赤水而應物奪宮太康之五弟作歌於前天君之五臣遂歌於後蓋其義同死生情出懇慕其哀矜惻怛之意溢於辭表苟使人君少有秉彛之性寧不瞿然而顧幡然而改哉太康終為所戮而天君不遠即復或者五臣之歌有勝於五子之歌耶抑天不欲終喪天君而然耶世之稍欲自好者一言不合則輒謂之吾君不能而望望然去老死巖穴其

視五臣之善辭微諷為何如也嗚呼安得與此五人同時耶

十五年蠹

出在四為蠹食心之虫也

史氏曰春秋書蠹者屢而有絰無傳杜預註曰不為災不書書蠹為災也今夫蠹亦蠹類而為害於人反甚於蠹特書所以警也史筆秉直何代無賢嗚呼螢軋蠹老頭白汗青者要不外乎隻字之謹嚴何必書之於絰哉之於傳然後始謂之良史也哉讀者宜詳之

十六年河間人父父選入宮年頗少君好而慕之如

則天亂國舉人作詩
艾、八家舉人作傳

好德者艾知好色則慕少常易之以賢賢之性時淫鄙
成俗鑽穴踰牆之徒接跡而起有舉人作河間傳以
刺之艾艾趙冶之族女也

史氏曰趙婕妤生于河間而能配英傑之武帝寔
生仁明之昭帝河間雖謂之地靈可也彼淫婦者
本以貞苦之姿一失其身終至於且窺且合遂使
河間之名不欲掛人齒牙間古之人君無永棄之
士無難化之俗苟率以正燕趙之椎埋可變鄒魯
之禮讓曹檜之後靡可變魏唐之勤儉何必以地
名河間而遂認為生淫婦之鄉哉然則艾艾之入

宮專由於天君之啓之也苟使天君好德如好色
賢賢易幕少則艾艾之謠鄙妄知不愛為貞潔自
守之姿哉吁

十七年熒惑守火

星心

火國之分野

火心

屬

司星子虛

星

諫曰臣觀天人相與之際甚可畏也熒惑者妖星在
天為熒惑在人為蠱惑往年蠱為災今年熒為災天
將垂戒以示人君不恐懼修省君之國將日危難矣
何不虛靜以禳之君曰我生不有命在天子虛退曰
君之惑滿甚我不顧行遊

史氏曰宋景之時熒惑守分而君有君人之言終

孤子叩馬而陳天恩

徙一度天君之世榮惑守分而君恃在天之命將
濱危亡懔乎同一司星而子韋得君如彼子雲逢
時不韋忠臣志士安得無不遇之恨哉

之外左丞相善右丞相

知節叩兩端而諫曰君受命于帝為統于人國之有
君有形骸之有精神也神明內腴然後百體從令可
使百體從吾之令不可使吾從百體之令也明矣昔
楚昭王以六千里為讐人役今君以方寸之地為形
之役臣將見舉國之人乃歎乃禽矣乃心為形役君即
位之初端拱深居與臣等未嘗須臾離九年以後君

志漸改意漸情十一在內十九在外然未嘗遠去近
年以來待臣寢踈養臣寢薄出入不相告來與已寓
而君之有司莫知其所之職競喪亂五載已罄六府
不修共我五官各私其司百執事隨君駘不復京
正折臣矣臣才疎誠淺既不能匡救君失將輒光晦
彰匿跡鐘影不欲復廁於人類然君之位即天賦之
位也二帝三王存此位者也夏桀商受亡此位者也
太甲成王固而存此位者也存則治亡則亂治亂之
分顧其位之存不存如何耳君承前聖所存之位盡
念殷周之所以存而必蹈桀紂之所以亡也臣不忍

坐視其亡請從此辭君曰曉人不當如是耶予與公
等同族而異支蓋生死而休戚者也予其惕悟公其
相予昔黃帝氏遊赤水之濱遺玄珠一枚心瑜使象罔
求而得之予將使公等求吾而失於赤水之中可乎
即日回駕大戒於國命二相曰為我作君臣相悅之
臺二公乃召工人獨孤音良良工心獨苦口匪
營之不日成之命之曰靈臺既成使司戎如今之司
墨卿撰靈臺上樑文其文曰

伏以闔門戶而謂乾有身其眇起樓臺於無地為
靈也昭允矣玄幽之遂通煥乎丹青之莫狀蓋聞

粵自人皇參三才之後厥有神臺開八窓之儀茅
宮初精一之現安妥甬榑薰殿設蓋三之制穆穆
其門宮室菲卑禹無間於安止邦家寧輯湯於是
乎建中文臺始營母畔援而母歆美武堂肯構無
反側而無黨偏是制也孰非同人其義則寓諸大
壯是以從規矩於數仞孔聖所以不踰定繩墨於
千門孟氏所以不動聖於是苟完苟有人孰不爰
處爰居嗟漢唐架屋之徒幾年第任之已塞韋廉
洛遠閼之學今朝竹牖之向開顧安危微著之機
罔不由是伊動靜語默之妙允出在茲欽惟我天

君系玄冑於漢養主人氏炳靈於道德君子服氣
母教胎之化無不善於厥初體宗子同胞之仁以
直養於所受蒞本靈無跡之位曆數在躬播至靈
不昧之譽天賦為命始也實鬼之瞰室未免誘外
之歎今為靈神之守都廢舊宅中之治苟無止宿
之所曷為常存之方甫乃命彼這裡工夫工見止
文夫役
也夫造為空中樓閣穿林秀木用為支厦之材荒屋
土墻變作安宅之址徠客氣而聽命洞開次第之
門詔主翁而審規廣拓來往之窟其基焉圓不徑
寸是時也陰當惜分藹然育四方之端豈外物之

能蔽倏甫起一庀之制若神靈之所為厥功告成
嘉名肇錫曰靈五闕無間格汝耳目之官股肱之
臣六府孔修臨我形體之天主宰之帝安排整頓
焉有靡室靡家之嘆深厚淵潛宸享攸孚攸寧之
樂於是謂其府曰靈府謂其偏曰靈高左曰夢覺
之闕右曰細繹之闕名其水為活潑之水名其階
為近思之階舍曰神明門曰道義船有執定之柁
盤有洗濯之銘臺之旁有絆馴之鴈鷄臺之下有
求放之鷄犬其木則桐葉分絕其草則芭蕉抽新
樂設同安之鍾聲未了而怡養實得滄洲之鑑殆

已盡而見明照秋月寒水之光恭惟千載玩白紙
雲明之字湛然一張或景星或慶雲或雷雨或烈
風臺上之六氣也而清明而極熱而漸涼而收歛
臺上之四時也然後赫赫厥翼翼其小如客敬
主居已達行一間以君使臣令則從於百體透得
間闕寧或自家之倩人剖破藩籬無憂破屋之禦
寇手探足攝春敷六六之宮氣朗神清天繞三三
之往法門真得夫孰謂之蘧廬暗室不欺尚無愧
於至漏開之為灑掃應對之節打破朽土之墻居
之以提撕警覺之要遂作納約之牖寬乎潤屋之

廣胖洞然幽闕之清虛茲陳六偉之文庸揭八荒
之闡兜卽偉拋樛束肝木亭亭擁蓋同元氣發為
明四目精神只在保完躬况卽偉拋樛西肺金聲
發中高低親如腸膈相為用出納王言復耳提兜
卽偉拋樛北腎水深藏行水德在昔殷王歷告敷
人人可使沉潜克兜卽偉拋樛中胃土爰首稼穡
功粒我蒸民皆甬柱肥甘不必辨魚熊兜卽偉拋
樛上起哉元首寶歌颺擢時似敬俯時恭容直合
為君子尚阿卽偉拋樛下踏來實地躍如也折還
進退中規儀趨以來齊行肆夏伏願上樛之後靈

之彌廣廓然常虛三門洞開必擇出入之路四柱
高擎永作安着之基邵堯夫十二行窩苑為景仰
之所杜子美千萬廣厦恒存大庇之思

史氏曰漢文帝欲馳峻坂而素盜攬轡漢元帝欲
御樓船而張猛克冠古之良臣將諫其君必愉色
怡色宛轉委曲不惡而嚴不巽而恭然後可以轉
日而回天故齊之晏子因景公遵海之問而歷陳
遊豫之度流荒之失竟作君臣相悅之樂今天君
之失德過於齊景而二相之賢雍容不迫一言憾
悟遽作君臣相悅之臺恨不使徵招角招之詩留

傳於千載之後與靈臺上樑之文互相羽翼而論
伯仲於其間也

十幾年以翁惺為太師誥之曰君道貴常師道尚問
惟先生顧名思義無常叩問以直予不逮我聞曰神
惺則氣清志惺則意專有問則有答有答則不忘既
往之昏如酒為惺今也則格如睡即醒昔越王勾踐
使人呼曰而忘會稽之恥耶予則使先生呼曰而忘
惺惺法耶嗚呼昧爽而起思慮未啟夫子在座顧曾
後先當是時也不問自惺及物之交應接不暇閃東
忽西昏亂怠荒當是時也雖問未惺先生飲我惺拜

稽首曰惟鐘待叩而應后待問而惺后克問臣不命其承疇敢不祗若君之清問惺字主一瑞巖人也

史氏曰三公三孤輔養之官而昵陪之際隨事彈規燕閑之際愆違莫察於是乎宦官宮妾宵小之徒乘而間之竟使蕭望之長孫無忌之賢遂陷於拘囚貶殛之禍信乎師道之不可湏臾離也不可頃刻忘也自翁惺之為太師問荅相續酬酢如響雖有覬覦之輩何從而乘其隙哉宜天君之日臻於無禍之域也

二十年流四裔于絕域

子絕

殛五冠于禁苑

禁其太甚者

蘇軾先生集卷之四
李太白集卷之四
蘇軾先生集卷之四

放二豪于雲夢

如秦如漢如唐如宋

竄七蕩于中山

情安十四

罪而國內咸服太師惺曰彼四蠹五寇者若庚偕夏

如芳亂苗軍流宜殛永絕根本至若二豪七蕩名與

實異雖聖人亦不必使之去惟有德以將之勿使過

度昔隋周之奸臣為唐宋之忠臣忠奸之分顯在上

者導率之如何耳今若去其所短取其所長中而母

過和而不流則何害之有請還之君從之自是二豪

聞風而不貪七蕩守正而不搖卒為善人

史氏曰竄之四凶流放竄殛而至高之時三苗僅

為五叙天君之四罪曾未踰時而二豪七蕩遽已

春秋書其後無止
非書其後無止

化善壹此弗懈差過時月安知四蠹五寇之又
不歸正耶然則天君之德賢於堯舜遠矣哉

二十一年廢宮人艾艾立妃慎氏為皇后后謹之女

也每獨

慎

處一室不欺其君常誦曾氏

古之賢妃

十目所

視十手所指之句曰內省之道當恐懼乎其或不覩

戒慎乎其所不聞母曰不覩神目如電母曰不聞耳

屬于垣毫忽不謹仰愧俯忤靜處不慎動輒有違常

以是自警以成內治之美人比之杜姒之意

史氏曰君子之道造端乎夫婦是以詩補刑于書

揭觀厥蓋以內外交養儀刑不惑故也艾艾既黜

而慎后正位不欺暗室無愧屋漏則其貞淑之德
宜配天君而終成內治之義也已

二十二年無形寇侵我南鄙

心屬南

君誕告股肱曰蠢

茲外寇煽亂興訛投間抵隙為我國病

為厥心病

苟不早

為之蓄人之類滅矣疇能奮庸為朕徂征僉曰有師

在外曰志君曰俞予聞如何僉曰受業於喻戰之門

樹績於養勇之國

志師見孟子

其堅確之操剛毅之氣足

以收一原之奇功君曰格汝志朕聞三軍可奪師也

匹夫不可奪爾其戰戰兢兢合軍并力一鼓克敵

克敵

志帥拜命而出乃僉氣卒誓于師曰桓桓有衆咸

蘇大行師遺札
附行師習能札
卷八

聽朕言惟茲外寇無形無迹叛道背德遊宴之中有
陷穽焉談笑之中有戈矛焉堂輿之中有席豹焉鄉
鄰之中有戎狄焉藏於杳然冥然之間而發於卒然
忽然之際蕩我五藏撓我六府勦我七竅壞我四司
我國之危微惟危惟微迫在呼吸甬尚一乃力其克有勲
時夜氣益清養夜光志帥登靈壇之上仁木之旌在東
甬義奎之槍在西角四物之旗在南甬智水之陣在
北角忠信之甲冑在中央井井而行堂堂而刻意城
人智能良能遮道獻克復之策曰將家之用兵即儒
家之克己法也知言以開前則疑兵不敢窺養氣以

培後則建兵不敢踴然後勝敗之形得失之筭判然
於胷中而帝熊貔貅百萬之衆望其旌旗聽其金鼓
為之赴湯蹈火有死無生是以千里轉戰所向靡敵
若初無料敵制勝之謀又無蚍蜉蟻子之援而徒恃
其勇較先赴難解不敗事此朱夫子所以喻孟子告
子不動之異者也況彼外寇窟穴乎情田凋數乎智
實蓄銳而俟伺釁而動若使我國之人公而不私心
易私而我國之道明而不昧通心難明則彼將自戢
之不暇安敢朋分角立而交戰于中哉詩曰薄伐獫狁
狁至于太原夫聖人之禦寇也盡境而返無侵吾疆

計臣誠誠
之問
老師之切

而已此原憲所稱克伐怨欲不行之道也惟將軍母

貪利母熾欲以正心行師以收放為功志即拜昌言

曰俞乃使魯廣德魯頌克為謀主姬載寧周雅王為

軍師兩人者俱不為血氣所使不爭能不伐功遂進

兵出五關之外是時四蠹流五寇殛二豪七蕩皆悛

舊習盡忠事君無形寇遂絕內援六間不得售三惑

不敢迷不愆于六步七步乃止齊烏志師遂班師馘

馘于靈臺之下既訖君使衛秉淵衛詩秉撰克復頌

曰

伏以隱若一敵方深盜害之憂統彼眾形聿覩復

初二慶請以戰喻而收克終粵若楚武王之天道
蕩盈誰取喪性之譬周亞夫之夜壁堅卧庸作持
志之方苟或守不固而防不嚴曷以安其中而制
其外欽惟我天君居以太宇做去單槍詩書將之
登壇視猶勝也禮樂卿之制敵抑而強歟頃緣隄
防之或疎遽致寇賊之來覘役外物而荒情殆甚
周室之寢微則中遷而蔽交便作秦求之無已嗟
梁俗萬取之剪勢方熾折利吾奈范蠡衆攻之機
而已成折物我苟任豁壑之先欲自歸奈迷有甚
炎火之燎原不可撲滅于時天地之志吾其帥天

地之氣吾其徒環之若三里之城何患敵國之暴
蕝焉在七尺之骸允為君子之強折衝乎尊俎之
間無好小勇禦侮乎社席之上靡有時爭肆以閑
邪室欲之方庸替塞井夷窰之法有千萬必往之
志我師宣歟守尺寸不失之規甬弱奚恃始也受
敵於四面皆為寇讐今焉執訊於一中弇其臣僕
甬乃廷以正官以正民以正展也內修而外攘神
則和形則和氣則和倚歟前瞻而後忽報千古而
寶復快免喪其本之歎畜萬邦而式訛遂致通乎
道之美然後固國不以山谿之險禦敵不以兵革

之堅如承大祭如見大賓每謹嚴於臨陳罔遊于
逸罔淫于樂常儆戒於無虞矣但有志竟成抑亦
是足以王頌曰休休有容秦師之誓維秉無競周
道永世稽我天君靜而能定無一芥滯品物各正
何思何慮以戰則克其克維何行道有得咸曰一
哉王者無私遂開靈臺坐而治之

史氏曰軒轅之世蚩尤作亂重華之時蠻夷猾夏
涵育之德無物不遂而彼一種怪戾之類窺伺竊
發無時不警是故人君無怠無荒罔失法度然後
四方賴安國不受病今夫無形之寇纔發於天君

改悟之後兵不血刃幸純殄滅顧何損於天君之
德而亦足以有補於自警之道也嗚呼一念或忽
舟中皆為敵國一事不謹赤子化為龍蛇可不戒
哉

二十三年封真無妄為誠意伯竇之子無息之弟也
其先曰誠以神之術為伯益所薦贊禹征三苗上感無
妄曾子弟子早入太學先以母自欺為主曾子常稱
之曰傳吾致知之學者無妄是也誠意閑與修齊閑
通無妄常總理之破名利之閑建中庸之門出入補
導不少間

史氏曰靈臺獻馘志師之功而剖符之初先封無
妄無妄不以自謙志師不以為憾苟非誠實之意
決人骨髓其何能至於斯歟上下之間苟不以誠
田吳之論功便無足怪而絳灌之擊柱固所難免
苟以其誠管仲奪駢邑而無怨祁奚代以子而無
譏彼真無妄者三代四人世襲其誠與國同休則
宜其受天之祿垂裕後昆也哉

二十四年魏侯徧衛侯收流言于國中曰二相將不
利於君君頻信之右相知節告左相善曰昔周公過
管蔡之變而避位居東以待成王之感悟正我輩今

甚矣心學之難也既到真
實之域而一種偏收之心
尚未祛

日所遭也蓋避位以俟之情易左相曰不然周公之

時同德之臣亂臣十人尚有典刑故二年居東而猶

不危微今若一日避位則君之國將日非矣寧可坐

視其亡耶遂就謀于誠意伯伯曰惟先格君之非時

魏侯福委國政於其將倚衛侯攸任軍事於其將求

遂與無形寇餘黨約日舉事攸攻惻隱司戎害則福

攻是非司福倚則不智無形寇之黨攻順彊侯彘彘乞靈

靈于誠意伯伯曰事急矣乃使侍中恢福之直走魏

都攻福之內部福者內不足公孫慈公以去求潛入衛師

破攸之前部攸者見福與倚奔蕩道無福無倚而死

如孫順之直走魏神手

如之潛入禁城

如如聲落之崩既終

如吳越之自潰

或曰感悟親迎因分
天君感悟親迎相

假使當年身便死
一正貞陽有應如

校與北走匿於浩音生不害好生而不害之家無形
寇之黨悉為彞所執也於是君大感悟親迎二相而
謝之是歲丹田大熟

史氏曰賢哉二丞相也周府公之聖猶且遭言而避

位假使當年吾身便死王惑不回則千載之後誰
識勤勞之本意哉彼二相者身處危疑而不自嫌
避鞠躬盡瘁敵君所愾風雷不警丹田告熟抑可
謂賢於周公者耶

新增曰確然於順康侯之所秉也管蔡作亂而霍
叔未免染汚兵起起兵而梁王幾至陷敗所秉不

固則流言易動。承執不素。則衛寔莫過。當是時也。苟非順彊之賢。曷以成衛王室之功也。

二十五年進講真經

真西山
撰心徑

君謂侍讀官曰。此篇首

論三代傳受之道。卽我祖宗所制

見首章

而為我家

法者也。吾子孫宜拳拳服膺。遵而勿失。古人有言曰。欲法堯舜。當法祖宗。以堯舜傳受之法。為我國遵守之方。則何患乎人之惟危。道之惟微哉。羣臣稱賀曰。君之此言。為天下福。

史氏曰。帝王之學。莫切於尊經。帝王之道。莫謹於傳受。帝王之孝。莫大於紹先行一物。而三善皆得。

其真經之謂乎功要之言

傳授之言功要之言

皆載於此經

以天君天縱之姿藉平日講學之功宜其迥出三

代克享天意也昔漢明帝執經問難而圜橋門觀

聽者以億萬計惜乎天君之世衆人蚩蚩不能圖

立乎靈臺之門而觀臨筵之儀聽侍講之聲也

二十六年五大夫

秦官名

思

五曰思見三年

撰近錄君覽畢稱

善曰是書也破異端之偏鐫闢大學之戶庭會六藝

之突與

引東萊語

使我自不覺其歷六經之階立四子之

梯日進於無過之域若思也者一言以蔽之曰不出

其位者也

思不出其位

思宗正儼之子也

藏名

其天正心之難也非敬
何以防之

灌九事而有活字之
取引氏明而有活水
之教

史氏曰陸賈新語猶回慢罵之習况近錄之為書
上自陰陽性命之說下至日用切近之事罔不具
載使天君一聞其說反求諸己終成修正之治思
可謂有九之君子也

九君子有
九思

二十七年活水決于五閔之外舍敬夫塞之

敬者心
之畏防

諾之曰水之性猶人之性方其靜也清淨澹虛及其

動時衝激奔潰可使疏其源不可使遏其流仰其往

欽哉敬夫乃發勝急

敬勝
急

之卒召居所

王敬
作而

之民等

之兢兢揀之業業不斯須

所須
之敬

而隄防成五閔民歌

之曰活水清周氏明活水平周氏寧活水盈周氏精

活水涵周氏成活水生周氏誠活水行周氏情敬夫
之名人誰與京

史氏曰瓢子之決而漢武帝徒費木石之勞頻年
為灾民受其害惜乎其時建臣無一如敬夫之賢
也使役有方抹等有制隄防永固民蒙其利後之
後民興功者可不以敬夫為師哉

二十八年立子良為皇太子慎后出也一日三省苦
帝之初命之曰一有元良萬國以貞汝念哉出蒞在
蒞名蒞在蒞念蒞在蒞以承子危微之業良拜稽首
曰敬不徒所欲以規

從心所欲
下論

史氏曰早建太子所以固國本也定民志也是舉也天君其益泰乎命子之名而不以山川不以隱疾必補其實則其與文王之克昌厥後武王之敬財發粟同一旨義歟慎后謹獨而天君終有令嗣雖常存鷄鳴詩無廢憎之戒而亦不失螽斯章宜甬繩之慶此子思所以夫婦造端之道為中庸第一義也

二十九年二月

心執中故四時用中月

東

視屬木

巡狩至于銀海

眼

行容端之禮講觀眸之規人莫敢瘦肆覲清盧侯

瞳

不視惡色盱眙人楊衡

眉

獻遠山圖

眉

詔却之五

月南

火言屬

巡狩至于華池

停提給之利

利口

罷掉

寸之師

師三寸者

式慎緘之廟

古之慎

肆

鮑訥君子

訥者

却鏢金之貢

須守瓶之典

八月西

鏢屬

巡守至

于曠坦

曠曠之曠

開六律五聲

八音

在治忽升孔順

孔子

堂聽禹漏

漏耳

聲

十有一月

朔

水

巡守

至于楊州

不南

封羽山

羽收失

陪沒字碑

狀

堂文

字謂之

歸格于冲漠

君用脉

求放心

如

史氏曰虞舜之巡方岳而審制度明黜陟天君之

巡方岳而式遵成典嗚呼若使天君并生於大禹

之世宜其相傳相受而加之以薦天之禮畀之以

總師之任也夫

三十年君內省而多疾慎后迎良醫卓立

三十八見而立

立曰論症之法有三一曰省察法二曰克治法三曰存養法省察云者視脉而知疾也克治云者用藥而去疾也存養云者調養保護以杜未形之疾者也今君之疾在膏之上肓之下非頂門一針可以下手今若護疾而忌醫則吟呻北窓氣鬱不舒手足不仁若康厥躬其此齊宣王好勇好貨好色之疾同崇而異症苟失此時駸駸然漸到難治君之疾其危矣哉君曰為之奈何立曰宜用調中之劑以去在內之痰遂

以乾強

音

為君益智仁為匡遠志為佐復

音

神為使

鍊之以文武之爐制之以參同之契命之曰四君子

湯遂作四君子解曰易曰終日乾乾自強不息其乾

強之謂乎仁智之於四端徹頭徹尾其益智仁之謂

乎孔子曰人無遠慮必有近憂其遠志之謂乎易曰

不遠復又曰不測之謂神其復神之謂乎君子苟能

乾乾自強益之以智仁遠之以志慮反復其道而神

妙不測合此四德一日三服則無妄之疾不久自瘳

程夫子謝寄丹詩曰用時還解壽斯民惟君常試之

君服之翌日乃瘳享期頤之壽奠盤茶

二名下

之安

於乎盛哉

史氏曰呂后近醫而未救高祖之疾慎后近醫而
便瘳天君之疾醫非不良以其用不用之殊也汾
水秋風武帝悔過而輪臺之詔乃曰節食服藥差
可少病云爾則凡人君悔悟之後當服存養之劑
以去彌留之症然對症投劑醫家所難當是時也
苟非四君子湯曷以醫內省之疾也若卓立者真
所謂壽民之良醫也孔子門人有卓爾者立豈其
苗裔歟

贊曰自古帝王之生或蛇身牛首或八彩重瞳有非

常之相然後有非常之德天君之生其形若虛其預
不揚宜其正位靈臺不離而不離也初業之初發揮
萬變守成之時防微謹獨使危者復安微者復著於
千萬年儆戒不鮮全付所覆固有內外信得乎天君
之補也

太史公曰甚矣致治之難也以天君之德緇祖宗積
累之業得象得國初業垂統雖漢祖唐宗蔑以加矣
而三紀之間天災時變寇賊姦究接踵而起使天君
不敢一日放肆若使昏庸者當之鮮不隕身而喪國
時君世主豈可曰已治已安而留神於遠豫優遊之

域哉天君之一治一亂一失一悔俱足為萬世人主
之龜鑑嗚呼安得與天皇氏齊年使吾人共化於執
中之道也

跋

心學之廢久矣庸儒俗士從事於尋摘之學而於人
心道心大頭腦處不啻瞽者之黼黻聾者之笙鏞雖
或有卓犖不羣之才強為之說不幾近於適越之章
甫哉左思之三都賦用覆瓿謂其固鄙也王通之
續經比豎瓦屋謂其僭踰也況此篇之作語意不如
都賦文章不及續經其固鄙僭踰亦已甚矣安得免

覆瓿豎星之譏歟然所剽竊者經傳之古也所比類者先儒之論也則雖無造詣淺深之別而亦足為自得之師也君子不以人廢言後之看是書者只辨其言之當否而已更何必追問其人之賢愚也哉

天君贊

天君之為德其盛矣乎莅天位治天職光御三十載使無一物不得其所無一事不得其正接聖賢傳授之統致中和位育之功宜其克享天祿永終天畀之全蕩蕩乎吾無能名焉人皆有貴於己者日用而不知何哉

史氏評

就人論事就事論理引古證今以明其臧否褒義之
中不失規警之旨可謂天君之良史氏宜矣

顧此僭妄固知其不自量亦見善興起之一端覽
者恕焉

卷之八
一
二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

栗谷先生文集 劄事

司諫院劄第一 辛巳

伏以臣等聞天下有事則芻蕘之說重於泰山天下
無事則聖賢之說輕若鴻毛何則當其有事也厭亂
思治怵危求安故人言易入而羣善畢收焉當其無
事也徂安循常志滿心弛故人言難入而衆才不售
焉無事而能知戒用賢則古今無亂世有事而猶昧
焉無策則古今無治日矣嗚呼臣等伏覩今茲上天
之震怒已極下民之生理已窮災害並至飢饉荐臻
餓莩盈路公私罄竭 宗社之危有如綴旒脫有邊
釁外作疆民內梗則無兵可禦無粟可食土崩之勢
非朝伊夕今若付於無如之何坐而待亡則固無所

猷為矣如欲死中求生必期匡時救民延續天命則
有事之大者誠莫若今日矣臣等任輶之言無乃或
有格天之望耶嗚呼誠能於無事之時預憂無彊之
恤則國勢豈至如今日之汲汲乎今之濟艱譬如七
年之病求三年之艾勢難猝辦雖然及今蓄之則猶
為後日之用不猶愈於束手養病者乎臣等竊念民
共託天國無所依則生財活民最為當今之急務此
二策者不可謀利而求贏亦不可膠鰲而守弊臣等
竊獻愚策願垂 睿察焉我國稅輕貢重稅則幾於
三十稅一而近來歲比不登災傷過半加以里胥
官守令千譽收稅尤輕甚於路道此諸 祖宗朝則
不及三之一而經費之需則一依舊規不能量入故

一歲之入無以支出逐年侵用竄藏 祖宗宿儲日
漸就盡乃以二百年積累之國倉廩不能支一歲誠
可哀慟今若懲此加稅則民膏已浚無以算歛必須
先紓積苦慰悅民情然後收稅始可適宜矣貢案之
定不度民戶殘盛田結多寡物產有無而只以郡邑
職秩高下為輕重且非土產故不免輸價于陟納之
徒以致刁蹬阻遏徵以十倍故利畝胥吏而國與民
俱乏矣誠能改定貢案以民戶田結分寡多而必貢
厥土之產則民力寬得十之五六如解倒懸矣因以
酌宜收稅而量入為出每有餘畜則國用漸饒而民
勞亦惕矣且念生民休戚係於守令守令勤怠係於
監司我國絕長補短地方不過千數百里而分州割

邑數過三百或有邑一而無民者吏貢既夥勢難精
擇而無民之邑役苦尤甚併省之策出於聖衷此
宜汲、奉行而監司瓜期只限周年故循俗者苟經
日月盡職者未及施為紛紜數違只煩驛路上下不
相維繫緩急無以行令此非細故且如慶尚一道則
郡邑太多一人之力不能周按令若以慶尚分為左
右道而於各道擇其大邑設營使監司兼宰其邑率
春往釐久任責成而別擇廷臣有牧民制治之才期
以公輔者授之則黜陟明而列邑競勤行政熟而民
庶被澤立見功效決非空言矣生財活民之策固難
枚舉而今之易行者大畧如斯矣雖然孔子之言曰
為政在於得人善政良法待人而行有法無人是謂

徒法若使徒法可行則禹湯文武之法宣毀於桀紂
幽厲乎我國賢才不用廢績咸隳者非一朝一夕之
故矣士林之氣斬於己卯絕於乙巳自是以後求仕
者斷方為圓守道者韶光晦跡父戒其子兄勗其弟
皆以為慎勿經營國事以掩禍機於是相觀而學者
只以摸稜隨俗曠職誦設為良曷自初筮仕至于大
官皆務肥已而國家安危生民利病則視如楚越一
有憂國忠公者慷慨正色於其間則群譏衆謗必使
之不容然後乃已以至各司小官亦皆習為依阿之
態上無丞矯下無所糾慢弛者保官舉職者必敗以
致紀綱大壞胥徒橫恣盜竊無禁侵毒無防一坊之
弊悉歸小民而四境嗷々笑以令人才以令紀綱雖

得周官制度而一、講明莫不為文具而無實效矣
豈不大可痛悶焉 殿下如欲奮興事功以救危亡
之勢則必須登崇異材為官擇人亭拓俊乂使之景
征然後國家之事庶幾可為矣雖然賢邪之辨係於
君心之明暗自古人君雖甚無道豈有自求亂亡者
乎只以心術不明無以知人大奸似忠大佞似智直
道不阿者近於矯激難進易退者近於索順順旨者
如愛君循俗者如淳厚同心戮力者似結朋黨嫉惡
斥非者似摘異己故或以君子為小人小人為君子
舉錯失宜人心不服而政亂民散矣人君誠欲得人
為政則必須先明心術以正權衡而心術之明係於
學問此所以古之欲明、德於天下者必自格致誠

正始也伏願 殿下先務窮理正心端本清源以立
表準而觀人之際視其所以觀其所由察其所安取
其心存國事忘身格君者而舍其心營家業貪位慕
祿者權衡不差好惡得正則爵賞刑罰不必偏加于
境內而善者興起惡者懲創風行草偃化成俗美矣
殿下聰明拔萃寡慾清脩不讓於古先哲王今日之
不治是 殿下不為也非不能也只在以國事加之
意明好惡慎舉錯而已臣等管見已陳梗槩而抑又
有一說焉臣等聞和氣致祥乖氣致異此雖老儒常
談而求之今古實不出此今以此說觀乎時事則無
乃氣乖而不和歟噫士類之愛君憂國者則遭遇
聖明志欲挽回三代而目循退墮政不成而時不升

故咸懷悶、鬱悒而不得伸焉。流俗之爵位高顯者
則不爲清論所許。每被指玷。故雖處富貴而無芬華
咸懷憤恨。疑懼而不得平焉。至如朝紳之間。所見不
同。議論多歧。莫能統一。而東西之說未盡。清釋不能
洞然無間。同寅協恭而未免相顧忌焉。下至小民。則
飢餓顛連。老弱填乎溝壑。壯者散之四方。愁惡之氣
上徹穹蒼。上自朝廷。下及閭巷。少無歡心。如上所陳
則和氣何自而生乎。感傷天地之和。以召水旱之灾。
理勢之所必至也。殿下君臨一國。作民父母。其可
視而莫之救正歟。此在殿下轉移之間耳。殿下
下誠能獎拔士類。任賢使能。裁抑其過。而誘掖其不
及與之。共濟艱難。陶成至治。而若夫流俗士大夫亦

非有罪惡可廢棄者也只是循資歷階馴至大官而才不補職耳 殿下亦宜待以忠厚使保爵祿而其間如有才能者則可以隨其器而任使之也若朝紳之不能協和者則亦非有積怨相磨軋也只是見識不高疑萌未釋耳只宜洗滌東西使無毫髮痕迹而但觀其人之才氣而用之如是日久則自底和平矣朝廷既和賢能任事則政舉民安四方和悅而天地之和應之矣伏惟 殿下留神猛省焉臣等脩貢耳目之司當此側身之日才疎計短罔知收濟寢不帖席食不甘味區區貢忠無以塞責無任戰慄屏營之至取 進止

伏以 殿下以睿智之資守盈成之業內無聲色之
盡外絕遊畋之荒尊崇道學禮敬大臣好士以誠視
民如傷宜乎政舉民安風淳俗美天心悅豫瑞應畢
至而 臨御以來十有五年之間治效蔑聞世道日
敗三光失常水旱極備變異之作式月所興方此惕
念勵精之日又覩白虹貫日之慘臣民驚懼罔保朝
夕妖不自作孽由人興 殿下亦嘗慨然傷歎深究
厥由乎臣等晝嗟夜唏罄竭愚衷敢獻一得伏惟舒
察通言焉自古人君之善治者規模節目雖或不同
而其大要不過修身致賢舍己從人擇能授職委任
責成舉直錯枉信賞必罰如斯而已此數司者詒其
狀則陳人腐儒之所能言求其實則英君碩輔之所

難行今 殿下修身之實則臣等未敢窺測請以朝廷言之今日三公固皆人望士林期以霖雨者亦在其間而迄未聞建明施設致君澤民大副一時顯若之情則他尚何責焉大官練於涉世泄泄保位小官習於應俗嬉嬉度日以數遷避事為良謀以勤身奉公為愚計內而百司曠厥職務權委胥吏外而列邑同念撫字惟事誅求積弊沉痾清議痞塞馴致紀綱頽弛人心換發饕飢荐臻四方蹙蹙食無年歲之蓄兵無緩急之脩風俗薄惡彞倫數喪人事如此上天安得而不怒哉此非臣等之言乃國人之言也非但國人知之 殿下亦已洞照矣 殿下歷覽千古曾有天工瘼曠赤子失采四維不張而能免危亡者乎

身逢堯舜聖明之君目覩叔季衰亂之象空獨目等
太息流涕痛哭於下乎 殿下亦必深憂永懷浩歎
于上矣今日之勢非一朝發憤作氣之所能矯革也
急而無漸則人情騷動反桃屬階緩而後時則怠惰
目循坐而待亡轉救振作之機只在 殿下善推所
為緩急得中耳 殿下近日於舜令之間仁心為然
羣下咸仰能推此心何政不成孟子曰徒善不足以
為政伏願 殿下擴充今日之心勿使為徒善焉窮
伏惟念 殿下是一身是宗社之主百神萬民之所歸
也 聖躬康寧疹疾不作然後五廟賴以享群情賴
以定乃者遭豫一國喪膽而因此 殿下動心忍性
有示省愆則頃刻之災轉作無疆之休矣豈非 宗

社臣民之大幸乎頃者 下教欲近良醫講求藥理
臣等仰覩 殿下為宗社自愛之盛心不勝感激欣
抃之至 殿下之自保乃所以保宗社也嗚呼孟子
論養心曰莫善於寡欲寡欲固是養心之術而保身
亦莫善於寡欲以 殿下之清修淵默其於物欲固
已澹然矣但血氣或靈聖賢所不免細行不矜大德
所由累伏望 殿下於燕閑幽獨之地益加涵養省
察之功以為修身基地而嗜欲必防飲食必節喜怒
必中言語必慎動止有方視聽有則欲既寡矣又閑
以禮寡焉以至於無使 殿下本原之地極乎誠立
明通之境則德何以不及三五壽何以不到期頤乎
既勉自脩之功而回以申警大臣使之董統百僚奮

熙事功旁招俊乂與共天職在朝之臣量才授官在
野之士盡誠加禮必使賢者在位能者在職及今閑
暇修明刑政則天意可回民生可保矣古人有言曰
應天以實不以文古今遇災者孰不曰恐懼修省而
能應以實者千載罕覩夫所謂恐懼修省者非閉門
扃戶拱手默坐而已必有改過遷善之實見諸政事
之間然後可謂應天以宗矣嗚呼不慮胡獲不謀胡
成今 殿下已發求治之志矣必須收合群策擇用
中以成一代之政不可恬常守故架漏苟安使二百
年社稷日趨危亡而莫之救也近緣寒沍恐傷 玉
體久廢視事臣隣阻隔恩慕日切伏望每於稍溫之
日不必進講而只接大臣臺諫近侍于便殿與之講

其

論修己治人之方挽回世道之策不滯近規恢弘遠
矚則安知非今日之災異反為億萬年太平之休徵
乎若論積弊當祛則雖不可猝然遽革亦當量時度
力漸磨而進一年有一年工夫必以保民施教移風
易俗為期仰答仁愛之天心俯慰願戴之民情不勝
幸甚取進止

六條啓

癸未

我朝昇平已久恬嬉日甚內外空虛兵食俱乏小醜
犯邊舉國驚動倘有大寇侵軼則雖智者無以為計
古語有之先為不可勝以待敵之可勝今之國事無
一可恃敵至必敗言念及此心寒膽破況今廢源之
寇非一二年可定若不一振兵威蕩覆巢穴則六鎮

終無寧靖之期今不汲、蜀治蓄力以爲後計而因循牽輔則豈特一隅之賊爲可虞哉竊恐意外之患有不可勝言者臣本腐儒濫忝兵官夙夜焦思敢獻一得而只陳梗槩其間曲折則必循面對細達矣其目則一曰任賢能二曰養軍民三曰足財用四曰固藩屏五曰備戰馬六曰明教化 所謂任賢能者爲國有要君拱於上不勞而治者由賢者在位能者在職各效其誠與才故也今之授官固皆擇人而朝拜暮遷席不暇暖雖欲察任其道無由雖以周召伊傅二賢且才若今日授司徒明日除司空則必不能成績只奔走勞苦而已況非賢才乎今茲數易有二道焉一曰呈病二曰避嫌欲矯呈病之弊則下教群臣

務實而不徇俗非實病則不呈辭間有托疾者隨現
糾治必病滿一旬然後始呈辭初度滿一旬然後始
許三呈若一司一員呈辭則他員不得並呈如有疾
病不得已並呈則必一司僉議入啓然後始呈如是
則可矯呈病之弊欲矯避嫌之弊則凡臺諫除人物
不合者外宜不以避嫌違差 祖宗朝臺諫雖被推
不遑司憲府推考則下司諫院云人非克彜豈能每
事盡善今之大官被推行公者別無傷於廉恥而獨
於臺諫必責以聖賢毫髮錙銖之失必至於遑耳目
數易公論靡定固非為國之體而因此遷移他官亦
至數遑廢績之貶職此之由臣意請考故事復臺諫
被推不遑之規然後可矯避嫌之弊矣但數易而失

其任與久任而非其人同故於不治自今大小之官
不拘常規廣收賢才務在人器相當而若大官之除
必詢問大臣而擇差苟得其人而任信之則毋使浮
言搖動然後庶有任賢使能之實矣 所謂養軍民
者養兵以養民為本不養民而能養兵者自古及今
未之聞也夫差之兵無敵於天下而卒恃其國者由
不養民故也今之民力已竭四方蹙目今有大戰
則雖使諸葛坐謀韓白領衆亦無如之何矣何者無
兵可調無粟可食雖智者宣能為無趣之不托乎此
由諸色軍士若歌不均歌者稍保而苦者必逃二則
侵毒一族展轉蔓禍甚至於一村皆空故也臣意別
擇賢能設局委以軍籍惟移若歌式均其役而軍士

逃亡過三年者則更括閑丁以充其代必使諸色軍士皆得支保而無侵徼一族之患則可紓軍民之力其他休養生息之規則設局之後任事者可以講究矣至於訓練之術則亦待養民然後可議也所謂足財用者足兵以足食為本百萬之兵一朝可敬者由無食故也今之國儲不支一年真所謂國非其國者也上下昭見此患而只諉之無可奈何不思生財之道倘有大賊自南自北衝突而入則以何物為軍糧乎國儲之日縮有三焉一曰入寡出多二曰貉道收稅三曰祭祀煩黷入寡出多云者祖宗朝稅入甚多而費用不廣故一年必有贏餘如是積年至於紅腐勢固然矣今者一年之入不能支一年之出而

權設日滋冗官太多每以宿儲供經費二百年積累
之國無一年之蓄者誠可痛心臣意量入為出盡筆
不急之官無益之費而典守之官嚴明規畫不被偷
竊然後廢不至罄竭矣路道收稅云者古者什一而
稅公用不乏而民亦無怨 祖宗朝以九等收稅設
法非不詳密而行之既久吏怠民頑每以給災為要
舉之資今則以下之下為上之上而一國之田不給
災者無幾國用安得而不匱哉勢至於此雖守令之
賢者不敢不給災者以民生日困徭役多端若不解
倒懸而只以不給災為不負國則赤子尤不能支仁
人君子豈能忍之計乎為今二計莫如改定貢案使
田後減其十分之七八然後可量宜加稅以裕國用

也不然則公私終無足用之時矣祭祀煩黷云者古
之聖帝明王孰非大孝而祭祀以不黷為貴宗廟不
過月祭而無原廟自漢以下始設原廟已非古制展
轉承訛至於日祭則其黷甚矣國家於宗廟各陵幸
朔望祭於文昭延恩殿行三時祭此固出於祖宗
追遠之誠孝而比於唐虞三代聖王之制則難避煩
亂之戒矣祭祀主於誠潔而文昭延恩兩殿日上三
祭故主者心急徂於尋常饌物器皿熟設不精洗拭
不淨不誠不潔神必不顧帝王之孝宣在於此古者
年凶則量減祀典况今舉國無儲非止年凶而已豈
無變通之道乎臣意惟宗庙依前祭以朔望而各
陵則只祭以四名日文昭延恩殿則只行日祭而廢

固

二時之祀夫如是而齋心潔饌極其誠虔則於帝王之孝少無所損反為有光祭需之費可減三之一焉祖宗之靈於聖上恢業拓基之誠孝有所感動而益享必芬之祀矣所謂固藩屏者京師是腹心而四方是藩屏也藩屏完國然後腹心有恃而安今之四方郡邑無不殘弊而監司數易民不知道至之何人設使是寇出於不意風馳電掣則監司雖欲倉卒節制民不相信令不素行安能有為乎此必敗之道也臣意請合殘弊小邑為一以紓民力選擇監司而久任之使以恩威著於一道而民素信服則平時可以休養緩急可以禦侮藩屏既固則國家有磐石之勢天或以監司之權太重為疑此則不然中朝

之任監司莫不辜眷而久任者或十餘年來聞以此
震其權重也況今兩界之任不過二十四朔他道不
過倣此而已二年之間寧有自制一道不從朝命者
乎既擇其人則權重之患非所慮也 所謂脩戰馬
者今之國中戰馬最貴儻有調發軍馬之事則只用
步卒而已彼騎我步何以相敵今之縣馬有籍而無
其實歲損月耗假使不至故失散處諸縣無異野獸
緩急無以為用臣意京外武士善騎射者試其才取
其優等者使往牧場本道都事及本邑監牧官同監
司武士就場中自擇壯馬之可合戰用者以入格之
次分給而錄其木毛色大小高低尺寸之數為三籍
一上于兵曹一送于司僕寺一留于本官使之善飼

自騎每年終京則司僕寺外則本邑察其肥瘠以行
賞罰若馬斃則告官檢馬屍若死於五年之內則量
徵其價若死於五年之外則不徵其價臨事變則按
籍收取以為戰馬若其人從軍則許令自騎如是則
馬不籍於無用臨戰有馬矣至如廣買唐馬胡馬
亦以此法分授武士則業武者不患無馬而國有緩
急之資矣 所謂明教化者傳有之自古皆有死民
無信不立孟子曰未有仁而遺其親者也未有義而
後其君者也假使足食足兵苟無仁義則寧有維持
之勢乎今之風俗薄惡義理鄙喪者固出於飢寒切
身不顧廉恥而亦由教化不明無以振起綱維故也
吳起一將之雄耳其言尚曰縶之以道理之以義勸

之以禮撫之以仁此四德者脩之則興廢之則衰又
曰凡制國治軍必教之以禮勵之以義使有恥也夫
人有恥在大足以戰在小足以守矣吳起猶有此說
況今聖王為國豈不念教化之為先務哉蚩之
氓一朝不可遽教當自教胄子始臣意太學及四學
之官先擇其人使教士子而外方郡邑之校官雖不
能盡得其人亦宜別為規畫以興起儒風漸及於氓
俗不宜置之無可奈何之地而已也



栗谷先生文集

劄子

玉堂論乙巳僞勲劄第一

庚午

伏以叛逆天下之大惡也其為人也必誅其在法也
罔赦凡為臣子者生當為不共戴天之讐死當結萬
世同憤之怨嗚呼苟非亂臣賊子之徒則孰敢有一
毫庇護逆臣之心哉惟其叛逆之名出於誣罔衛社
之歸生於樂禍忠賢陷叛逆之罪亮隱錄衛社之功
故萬姓不敢言而敢怒怨憤之氣徹天徹地焉耳今
者衆怒之積如久壅之水不失自潰公論之發出於
國人不可沮遏則順輿情定國是正在今日而自上
留難至此者良由 殿下於姦亮之情狀尚未洞照
只求其名不求其實耳臣等雖已陳達猶未詳盡今

請泝其源而極言之在昔 中廟末年 仁廟在東
宮而尹元衡兄弟與尹任構隙衡怨日甚於是有大
小尹之訛議者已知其為禍胎矣元衡與李芑等潛
謀秘計無不用其極只為報怨之術不顧 宗社
興亡 仁廟即祚元衡等乃造不測之飛語欺罔文
定驚動 明廟每以為大禍朝夕將起當是時也文
定深居內殿 明廟方在冲年外間之事何由灼見
慈不能不動於邪說而尹任叛逆之名肇於此矣及
仁廟大漸丁寧授受 明廟以嫡統介弟人承丕緒
天命人歸名正言順如白日中天隱兆咸覩孰敢有
一毫異議於其間哉只緣元衡與李芑等挾憾煽毒
將滅善類鼓無根之說搖動宮掖脅制朝廷尹任固

為机工肉而柳灌柳仁淑皆與李芑有嫌故俱得大
罪猶未敢加以叛逆之名鄭順朋以陰譎叵測之人
欲啗大利誣飾進䟽敢欺君上于白日之下免謀既
逞大禍斯作夫以尹任鹿鄙無狀濫侍宮禁之罪誅
之固不足惜而叛逆之事實無形跡罪非其罪矣况
柳灌之盡心事國柳仁淑之好善愛士者豈有毫髮
疑二之端哉尹任既死無可推問林百岭知尹任之
婦李德應輕躁懦弱可怵以威遂誘脅百端約以免
死彼德應之愚妄冀其苟活胡言亂語莫見端緒羣
奸招掖其稍涉不道者定為叛逆之律此以一人之
亂言斷其大獄也夫三人之罪誠是叛逆則當推鞠
得情明示典刑夫誰曰不可今也不然始則或逋或

罷次竄謫次則賜死終則梟首夷族不問其情不取
其服自古未聞討叛誅逆之舉迂回不明若此其甚
也至於瑠之被訊也酷加陰刑極其慘毒瑠不勝其
苦欲誣服連死而不得其說推官教之乃得取招鳳
城之死出於金明胤之譖口壁書之禍生於鄭產慙
之毒手忠州之獄始於同氣之閹牆成於元虎之鍛
鍊紛々告變者不知其幾此由司蔽君上羅織忠賢
寃痛極天衆國之人莫不知之故元虎恐其奸狀發
露欲以戕殺之威鎮定國人於是介功嗜利之徒晉
肯生事此所以告變者接踵而善人無孑遺矣彼誠
叛臣也則既誅之後人所同惡衆心帖然矣奈之何
清議日泐人情不服必大加誅戮楚荆士林然後墜

能鉗制萬夫一談之口使之不言耶夫以明宗大

王之恭儉愛上少無失德而臨御二十餘年天心未

豫災異荐臻水旱極脩癘疫頻作日月薄蝕星宿騁

恠盲風恠雹暴發無時桃李冬華山冢率崩其他虹

霧雷震之變草木昆虫之妖史不絕書迄于殿下

變恠尤酷殆無靈日夫孰使之然哉豈非大寃未雪

傷和召沴以至此極哉明廟末年天誘聖衷惕然

覺悟漸啓伸雪之端乃鈞忽捐睿志未就垂簾之日

克遵遺意人皆引領而望庶見天日還昭而需恩中

止此亦機會未發而然耳今則舉國之人同然一辭

願雪忠賢之寃願食奸兇之肉此豈非辨誣誅奸之

一大機會乎明宗末年覺悟之意皎如日星慈聖

垂簾伸雪之恩益如春和在令 殿下不過遵先志
奉慈衷以終其事耳何所未燭而遲疑至此乎嗟呼
廟堂老成之相孰非先王之肱股乎朝著夙夜之賢
孰非先王之臣子乎先王仁深澤厚臣庶感戴有如
天地父母一朝昇遐攀號莫及喬山宿草淚痕終晞
若使乙巳之人稍有可疑之跡則今日為何等時而
乃欲伸雪如此其汲汲耶為人臣子者乃捨沒世不
忘之先王而欲庇叛臣地下之朽骨天下之理寧有
是耶若 殿下終閱俞音則此以叛逆待乙巳之人
也乙巳之人實為叛逆則是今日滿朝衣冠搃污黨
逆之名舉國之人無非亂臣賊子之徒也豈不痛哉
豈不苦哉此臣等所以不勝太息流涕縋之以痛哭

也。目今公議否塞人心，恟懼如沸如羹，罔有收啓。今日之勢，若非盡雪無辜，悉削偽勲，則終無以鎮慰衆情。肅清朝綱，而是非未定，倚伏無常。國之存亡，未可知也。噫！奸兇威脅士林，動輒構禍者，為日已久。削勲二字，人不敢出，諸其口豈非積威，而劫心膽墮地而然哉！大臣引而不發，兩司言而未瑩，臣等忝在論思之地，亦不免趑趄悞嚅。今始盡達臣等之罪大矣。伏願殿下深思決斷，先責羣臣以不能盡言之罪。然後渙發俞音，乙巳以來無辜之人悉復官爵，還其籍沒奸兇之輩，悉奪官爵，因削偽勲，告于宗廟社稷，與一國更始。上以緝先王未伸之志，下以雪羣賢凡泉之冤。毋使一國臣民盡污黨逆之名，宗社幸甚。生

民幸甚

第七

伏以冤痛不可不伸冤慝不可不誅偽勳不可不削
舉朝力爭久而益激天聽邇然峻拒日甚反覆思之
未曉其故豈不以辭不盡言言不盡意以致天璽尚
未洞照而然歟臣等請赦舉當時之事明其誣罔之
實伏願 聖明試垂察焉當初構禍之時尹元衡贊
鼓邪說欺罔文定下密旨亦不顯言叛逆之狀鄭順
朋李芑林百齡等陰囑兩司欲罪尹任柳灌柳仁淑
而兩司長官閔齊仁金光準則欲隨其指囑其地臺
諫持正議不撓於是亮黨相顧罔知所指林百齡乃
倡告變之謀夫叛逆天下之太變也當聲罪致討使

人心曉然知其極惡罔赦可也安有潛謀秘議陰囑
兩司之理而臺諫亦人臣也安有食人之祿而欲護
逆臣之理乎此其為誣罔之證一也忠順堂入侍之
時李芑進言曰尹任多有不自安之心柳灌柳仁淑
亦有形跡罔議其罪竄任罷仁淑逆灌殺誠叛逆則
李芑於任等有何畏忌而不明言其叛狀乃以不自
安有形跡為辭乎此其為誣罔之證二也大禍之作
專出於順朋之一疏疏中誣飾無所不至而今按疏
辭則論尹任之罪者不過丁酉之事也且順朋既知
任等不軌則何不於忠順堂悉陳之而追疏如此乎
忠順堂入侍距上疏之時只隔六日六日之間既罪
之人乃謀不軌乎此其為誣罔之證三也元衡既以

飛語熒惑文定而又造謗書以誣恭懿至今臣民尤
不勝痛骨之至惟我恭懿王大妃聖神之配任以之
侍尹任縱有奸計恭懿王大妃當不顧私親衆義討
賊之不暇安有反秘亮謀與之交通之理乎此其為
誣同之證四也凡定罪之時雖難犯死罪必窮推得
情結案取招然後乃正典刑况治叛逆之賊乎任與
二柳之死也不問其情不取其服此不過速殺掩口
以秘其邪術而已此其為誣同之證五也瑠之逆名
始於尹元老之亂言當其時也中廟在位仁廟
在東宮尹任雖無狀豈有捨此二聖而豫附他人之
理乎且瑠年長於仁廟十四年豈有以瑠為仁廟嗣
之理乎此其為誣同之證六也當仁廟大漸之時尹

任之入侍大內固有罪矣但當日正統之傳無毫髮
異議若使尹仕欲行奸計則宮中耳目不為不多豈
無形跡之可見者乎傳授之時既無異議而乃以德
應之誣服斷以叛逆並及無瑕之兩柳乎此其為誣
罔之證七也治逆討叛王法之至嚴者也當據大義
以訊其情安有潛行誘脅以取誣服之理乎德應之
被訊也林百齡甘言于外宋世珩詐泣于內使愚妄
之人信其利口欲以陷人之功苟免其死此其為誣
罔之證八也許磁閔齊仁初附奸亮欲取富貴而及
其羅織日熾鍛鍊日酷以錄偽勲之後自知不免小
人之故方始悔悟漸與奸亮不合遂得重罪齊仁則
至於削勲亮黨之中亦相矛盾况一國之公議乎此

其為誣罔之證九也李彥迪權攝皆伸救任等者也
亮堂以二人並錄于勲籍者欲援引名賢以欺士林
也攷之錄功乃在書啓之後尤為無理安有伸救遂
賊而得叅勲籍之理乎小人之欲借重於君子者於
此可見矣二人之錄勲固非本心而守正奮忠伸救
不已竟陷奸穽幾至赤族朝錄其功暮治其罪錄之
削之惟其亮臆此其為誣罔之證十也沈連源素不
與於邪議而元衡等乃曰必以連源並叅功臣然後
勲符乃因連源心恥其非外畏其禍不敢力辯錄功
還家與其妻相對而泣夫衛社之勲果實不虛則安
富尊榮自有山河帶礪之固何必強援外戚為長久
之計乎此其為誣罔之證十一也亮威雖酷清議不

滅街巷之間言或稍正則輒加以庇護遂黨之名至
於柳堪只以武定寶鑑不必印着之語流謫避裔幾
死復還夫好善惡惡國人之所同然也何必以淫刑
鉗制然後乃息國言之囂乎此其為誣罔之證十
二也陳其大槩雖止於斯其他可證之實難以悉舉
天地神祇昭布森列臣等雖無狀待罪近密之地安
敢以一言一辭上誣天聰乎 殿下欲拒公論而不
得其說乃以姦亮所為誣諸先后又以瑠之在逃為
可疑臣等請明其不然也曾參之不殺人其母灼知
而告者至三則不免投杼文定王后當主少國疑之
際處分國事其苞桑之計宜無所不用其極而灌等
之見信既非曾參之比姦亮之侵潤膏肓者不止於

三入則文定之被欺固其理也若以此故然於文定則豈不痛甚乎文定在天之靈亦必有未安之懷矣
殿下何為發此言乎瑠之在逃則非他計也元老之捏造惡言固非一日而尹任既誅則瑠之必死雖三尺童子亦可知也知其必死而順受正命者士君子之所難也豈可以此責之於一無識之宗親乎姦究既已飛語成罪又以誣服定瑠之誅戮亦可悲也
日今天災時變近古所無而舉國涵、同有收而臣等之竭誠不已者不特為人心世道計也欲為先帝洗其被欺之羞欲為先王雪其同盟之辱欲為恭懿殿伸其受誣之枉 殿下雖不念人心之漚散世道之數敗獨不念先帝先王及恭懿殿乎伏願 殿下

更加三思焉

第十六

伏以臣等伏觀 聖批曰大臣之言猶且不從況其
下者乎臣等不勝失望之至自古人君之拒諫固非
一端大要不明是非而莫適所從耳是非苟明則未
嘗有捨是取非自趣亂亡者也其言是則苟蕘之言
不可不擇其言非則卿相之言不可苟從今日之事
若 殿下不明是非也則當親問大臣臺諫反覆論
詰期於一可也不當先以不允之意確定于中不
問是非只爲牢拒而已也嗚呼國人之情畢達于冕
旒婦侍之譏莫干於天日 殿下何所取信而必使
是非倒置乎頃者伏觀 聖明荅翰苑之批曰謀叛

之狀衛社之司皆在於武定寶鑑若然則 殿下之
所信只在武定寶鑑而已夫緒武定寶鑑者姦亮欺
同聖母極其誣飾羅織成書無有餘巧自謂無瑕可
指可傳萬世者也雖然今見其書疵隙百出難掩其
偽適足為識者嗤笑而已古人有言曰直者操筆不
待累、讀之如破竹橫斜反覆自中即目曲者雖使
假辭作子貢問字於楊雄如列五味而不能調和食
之口無一可惟信乎斯言也臣等不援他說請以武
定寶鑑所載明其虛偽伏願 聖明試垂察焉當時
忠順堂入侍之日李芑進曰尹任多有不自安之心
柳灌柳仁淑亦有形跡洪音再曰任可竄仁淑可罷
灌可違衆議皆如此申光漢曰危疑之際不可不鎮

定人心任等之罪皆可斟酌李彥迪曰事必光明正大不然恐有士林之禍彼三人者誠是謀叛則順朋等何不直言而光漢彥迪伸救若此乎自古未聞誅叛討逆而禍及士林者也此其為虛偽之端一也越二日加罪三人之時順朋曰任包藏禍心罪固不赦若至依律恐其太重灌與仁淑陰附尹任謀危宗社其罪極重而事涉脅從恐不可以一律斷之夫包藏禍心謀危宗社者極惡大罪在法固赦春秋之法尤嚴於治其黨與則順朋於彼三人有何愛惜而救護如此乎此不過搆造虛言驟加大戮則人情駭悸莫可鎮服故欲以浸潤之術漸致重典耳此其為虛偽之端二也權搆社稷之臣也書啓之辭皎如星日

恭

非文定以慈愛扶護則事且不測矣懿之寒澗寧有
交通尹任陰間兇謀之理乎此其為虛偽之端七也
順朋之疏既上定罪二人之時林百齡曰三人自懷
疑懼反有患失之心其漸將無所不至百齡既奉元
勅得炳幾之辨則三人不軌之狀宜無所不知而何
不明言其叛狀而乃以患失之漸為辭乎人臣之患
失雖曰有罪若悉取世上之鄙夫而誅之曰汝有患
失之心將無所不至則世上之人得免叛逆之罪者
幾希矣此豈理耶此其為虛偽之端八也錄功之時
或以告成或以入侍或以承旨或以史官此則有言
可執矣至如尹元衡歸景祿林九齡萬年尹敷仁崔
彥浩鄭隨申秀汪等一事不載一言不現而乃奏勲

籍何耶此不過或以潛通宮掖或以交結奸亮而已
誅討叛臣若是實事則元衡等之所為無非出於憂
國之誠心何不顯錄其事使後世曉然知其為大功
耶惟魑魅鬼域之謀罔聖欺明不可示於後世故錄
其名而闕其跡此其為虛偽之端九也金命胤貪功
樂禍希旨生事誣啓圯瑠之事掩生大亂之階夫三
人若有推戴圯瑠之謀則順朋之疏面對之時何不
一言及此乎三人既死無可推問之時乃造無形之
跡此其為虛偽之端十也安世遇誘脅任家之老婢
以中姦亮之欲以遂徼幸之計乃曰若問毛麟則情
狀可知夫毛任雖無識非不辨菽麥之人也謀叛莫
大之事也乃與老婢相議乎此其為虛偽之端十一

應

也世遇又曰任陰謀秘計鄭淑儀婢內隱難知此
言尤為無理謀反之計雖父子之間不敢輕說鄭淑
儀婢內隱難知任為何如之人乃知任之陰謀乎其
他從伊王梅香頤一之類皆迷暗女子也任非病風
喪心任言亂走者也欲舉大事而乃與此等女子說
其懷抱乎此其為靈偽之端十二也羣臣承情而崔
躍青只在李德之洪而今據洪薛自相乖戾者甚多
蓋緣畏死求生胡亂說道故也今舉其一二則德應
曰任為自上凡事皆議決於大臣吾門可保五六年
無事又曰大行王昇薨後大王大妃遣內官勸粥於
任及汝弼任曰我侍病入內必以我齒為下劑而終
無異意傳任于主上是必感喜而安也心甚自安

又曰任欲通於灌仁叔而臣曰安知灌仁叔以父為
無狀而反害父也任曰果然如此等說或以尹任為
心甚自安或以灌仁叔疑任之無狀則所謂與灌仁
叔共謀者何其懸絕耶且只稱其共謀而終不能言
共謀之為何事則可見其誣服也此其為虛偽之端
十三也假使三人共謀不軌必有實跡薛證故一然
後乃可依律定罪今也不然王梅香之供則曰瑠到
任家任坐庭中語瑠曰汝當立矣從伊供則曰七月
初三日任謂興義曰欲立鳳城君興義供則曰仁
宗大漸時父任言鳳城君若以問安入內即使傳位
則孰能禦之瑠之供則曰任欲議請朝廷封主上
為上王將立臣或鳳城矣然後各人之招互相逆庭

一至於此尚可謂之辭證故一手此其為虛偽之端
十四也奸兇手自粉澤之書其謀妄乃如此雖欲信
之不可得也況當時目覩之人孰不懷憤含悲欲言
而未言乎今之卿相多有目覩者而殿下不信其
言乃信奸兇所造之書抑何意耶姦兇一時之說可
以取信於後世則是司馬光永為姦黨朱子永為偽
學唐之羅織經可為用法之程式矣天下寧有是理
耶嗚呼文定扶翊聖主欲定邦家其好生愛士之念
寧有能極哉其教曰予之欲定人心豈偶然哉又曰
不欲傷人是予本意生禍士林非所疑也以此觀之
文定好生愛士之本意昭然可見惟是元衡順明李
芑百吟等左蒙右蔽前遮後擁必使日月蔽斲乾坤

晦昏而後已奸兇之罪擢髮難數今若不削此勲不
焚此書以暴先后之本意則天下後世將以血肉士
林濁亂邦家為先后盛德之累矣臣民罔極之痛窮
天地而未解也 殿下獨不念及於此乎伏願 殿
下取武定寶鑑參以臣等之言反覆相證臣等之言
若有差謬則當伏欺罔之罪如其不然則快順輿情
以定是非不勝幸甚

陳樊剴

校理時

伏以國家之所以維持者賴有紀綱紀綱之所以整
肅者在於守法有法不行則紀綱必紊頃者聖教加
特恩於小臣使不解官而覲省外祖母若父母之比
臣之所不忍為也嗚呼臣之愛祖母不若祖母之愛

臣秋初上京期以速還而貪戀聖恩至今未歸以致祖母憶念成勞晝夜涕泣氣力既盡精神又耗昨者見書則丁寧反覆者不過願於生前相見而已小臣學術淺薄計慮踈濶在朝而瘵官素食既不足以為忠矣今若愛惜爵祿不時故覲遂成死別永為終天之痛則又不能以為孝矣忠孝兩失則將何以自立於覆載之間乎今臣欲承命受暇而去則常典決不可創毀也欲循例謝病而去則恩命亦不可虛棄也進退維谷無地措躬夙夜腐心終無善策伏願殿下遵守成憲矜憫至情還收特許覲省之命只遵臣職使指生前相見公私幸甚屬茲側身之日大開不諱之門求言之教既下四方必有響應者矣小臣

世受國恩歷忝近侍愛君一念倍於他人今當遠離
其可無一言以退乎伏覲 殿下以聰明睿智足以
有為之資當亂極思治可以有為之時臣隣聳動黎
庶踴躍而治不師古故多踵弊迄今不見上應天心
下答民望啟初如是則厥終如何目今非常之災慘
酷之變疊現曾出上天之仁愛 殿下必欲其驚惕
振奮者其亦至矣延訪訐謔以革弊改斯其時矣未
知大臣設何策而自上用何計以盡弭災之道乎抑
臣私憂過計則災莫大於人謀不臧而天變次之天
變之可駭可愕者則已昭示國人震驚 聖衷矣人
謀之不臧則臣請歷言之人心沉於痼疾而仁義荒
廢士習驚於仕進而廉恥掃地以致朝廷之上舉錯

失宜好惡不公不務辨別邪正而徒以訛言人過為
保身之良謀不務振起治道而徒以遵守近規為治
國之安道慷慨建白者目之以浮薄喜事慕古傷今
者斥之以不知時務唯知瞻前顧後畏首畏尾以為
保爵祿而已至若億萬蒼生臨於塗炭則置之相忘
為之域環顧朝臣孰敢殿下任其治亂之責以盡其
誠與才乎譬如龍驤萬斛泛于中流而無一人任其
操舟之責風浪驟至其免淪胥之患乎嗟呼羣臣之
不念大計以固其位者雖無補於邦國其各自為家
計則得矣若宗社安危是殿下家事也 殿下獨
不自為家計耶朝野方以二帝三王望殿下而何
其因循姑息一至此耶殿下資非不美也欲非不

已

寡也權綱非不撻攬也 殿下之不治不為也非不能也奈之何仁義王道付之空言弊政痼習比之成憲尚不奮發大志以慰輿望耶小臣不避雷霆敢竭愚忠謹以弭災之策仰塵睿覽焉道學不行善治不作者今以數千年矣固非一朝所可猝變然拱手熟視無所更張則終無可變之時矣伏願 殿下堅定聖心以先王之道為必可行躬行仁義以為表率發號施令一遵古制正始大體務求盡道且命三公頻坐于議政府以會六曹之官凡經席亟奏章疏所論涉於軍弊救民者悉下于政府且令朝官及士庶如有所見悉投書于政府與該曹商議今日革一弊明日又革一弊要以至誠救民為務以積弊盡革為期

此其為弭災之策一也言路開塞興亡所係而
下從諫漸不如初近臣時務之疏責之以過越耳目
瘴惡之章斥之以浮言士氣不揚公論鬱抑如是而
求言四方四方之士孰有為 殿下盡言者乎伏願
殿下擴乾坤之量昭日月之明受善以誠舍已從人
咨循具僚酬酢如響使在朝之士務盡其情有懷必
吐然後四方之善策乃集于朝廷矣此其為弭災之
策二也俗習卑下惟知附勢不顧笑罵近有一種議
論盛行於時曰國舅之出是非乃定嗚呼堂上聖明
方親庶政老成尚道典刑猶在而趨附之徒乃欲委
政於國舅是何人心之薄惡一至於此耶自古明君
誼譬焉嘗有妻政后族而能保治安者乎自上若有

左右姻戚之意則觀望諂諛者蜂起議附雖以殿下之明亦不能制矣且國家求婚必擇世家世家族盛賢否難糅若不痛繩以法則恣橫之弊勢所必至伏願殿下信任仁賢旁求俊乂以共國事而戚里之人一切不授權柄賞罰付之有司彈駁委之公論無有一毫係戀之私此其為弭災之策三也西北二方無異空虛之墟脫有緩急無計可施二方之中北方尤甚無民可守無粟可食講求善策只有得人而已伏願殿下議于大臣若邊將未得其人則斯速易置已得其人則別賜教書詢以應變之策許以便宜從事不自朝廷選制使盡其規畫而朝廷之政一以保民內治為主然後廢無一朝土崩之患此其為

弭災之策四也乙巳羣奸斬刈士林以錄偽勳神人
同憤者二十餘年而公論尚未發者以 殿下前在
諫闕之中故也今者聖政維新百為歸政則掃蕩奸
宄之窟穴扶護國家之元氣不在今日乎伏願 殿
下勿為已定之說所蔽勿為紹述之論所誤奮決乾
斷昭示天威懲創偽功追罪奸黨以此告于 宗廟
社稷與一國更始此其為弭災之策五也天意玄遠
雖不可測降格示威必有其應應之速則其禍猶輕
應之遲者尤可畏也所謂恐懼脗省者不在於言語
而在於實方豈可守故循常無大處分乎漢臣劉陶向
有疏曰天災不有痛於肌膚震食不即損於聖體故
蔑三光之譟輕上天之怒此真今日之藥石也小臣

進言自知狂僭而事急不能安言心痛不能緩聲伏
惟 聖明垂察焉

玉堂劄 癸酉冬

伏以 殿下以聰明睿智足以有為之資值亂極惡
治可以有為之日士行大道之行民望至治之澤七
年于茲而天心未豫震異荐臻水旱不調稼穡卒痒
星妖不滅雷作不時田疇遇災人不驚懼上穹仁愛
豈無所警今以人事推之紀綱者有國之元氣而紀
綱掃地百姓者有邦之根本而百姓失所紀綱掃地
故百僚怠官先私後公朝遷暮除專事誦職分所
為置之度外是非混淆無所取正大小渙散無所統
攝義令雖下徒法不行政事日紊無端緒可理焉而

實

姓失所故飢寒切身不顧禮義急於逃徙則父子不相保族隣之苦毒遍區宇放於為惡則法令不能制綱常之變接踵而起弱者填於溝壑強者起為盜賊以致邑里蕭條居圉卒荒兵擁靈簿糧無儲昇平百年之餘不幸而有潢池赤子弄兵於境內嵒夷山戎梗化於徼外則外無干城禦侮之托內乏伏節死義之風土崩瓦解之勢昭然在目 殿下守祖宗艱大之業觀時勢危難之漸寧無惕然警省思自振發之志乎昔者唐文宗曰朕讀書恥為凡主諸葛亮戒後主曰不宜妄自尊菲薄引喻失義以塞忠諫之路也夫改同凡主文宗尚以為恥妄自尊菲薄後主尚以為戒今 殿下英資睿質卓冠百王欲為堯舜可踵唐虞

欲為湯武可綽商周舊庸熙載亘無所不能而奈之
何退托不敏以杜責難之路膠守近規以沮復古之
議罕接儒臣禮嚴言簡而無講論治道之益牢拒公
論發露英氣而無虛受弗弗之量名為遵守成憲而
北司之日盛實非祖宗之舊規難為安民補邊而豐
儲之揆米實為內需之私用命德之器濫加微勞而
賞無以勸善普霑之恩偏施同氣而惠無以感人常
今殿下之責在於振紀綱安百姓紀綱之振由乎
立志百姓之安係於革弊前論數事皆非所以立志
革弊之具也殿下才非不高也學非不博也權綱
非不撻攬也是非、不洞照也殿下之不治不為
也非不能也嗚呼弭天災致人和挽回世道之機在

性 殿下之一心 殿下誠能一朝覺悟奮發大志
快從公論明示好惡規責大臣勉興事功赫然日新
雲行雨施則仁者欲行其道智者欲盡其謀才者思
效其能勇者思致其力在官者淬厲自勗在野者拔
茅彙征將見衆賢輻湊群策畢陳紀綱不期振而自
振百姓不期安而自安太平之治不日可覩矣 殿
下誰禁而莫之為耶嗚呼難過者時易失者機今
殿下舍行鄉約而國人皆以為 殿下將興至治迄
頸拭目以觀 殿下之施設此實可為之時可乘之
機也今若因循舊習無所改革則斯民失望鄉約旋
廢而大學所謂雖有善者亦無如之何者不幸而近
之矣詩曰譬彼舟流不知所屆心之憂矣不遑假寐

臣等之憂實同於此伏願殿下留意焉

玉堂劄乙亥

伏以殿下英睿夙成好善愛士踐阼之初中外顯
若仰見至治而數年以來志勤道遠政化不成紀綱
解弛弊令不行風俗日薄民生日困災異之作習於
耳目忠謹之言故文具願瞻四方蹙蹙靡騁豈特
臣民絕望於太平哉殿下亦必自傷為季叔之君
矣雖然臣等之意則有不然者自古緒序之君委靡
頽墮不能振發以壞基業者觀其氣質類多昏庸不
曉事理故仁義之論視為高遠流俗之談比諸典常
垂衣拱手坐而待亡耳千載以來未見才智拔萃有
如殿下而自循荏苒日趨亂亡者也有聖不飛飛

祖

則衝天有雨不鳴鳴則驚人日夜號首以待 殿下

惕然覺悟之日久矣近日慈聖之喪 殿下以天性

之孝秉自盡之禮哀戚之誠感動遠邇通一國臣民莫

不拭淚延頸曰吾王之孝卓冠千古孝為百行之本

將必推是心典學誠身仁民愛物以陶至治豈止於

盡情盡制而已哉顯君之望復盛於即位之初嗚呼

殿下覺悟日新之幾會數古之帝王居喪致孝者如

魏文帝宋孝宗史不多見後世補美而不能善推其

所為故孝行雖若敦篤而治效不能復古不過為起

文而止耳宋孝而止耳此特匹夫之孝也豈足為帝

王之孝哉必也善推是心進舉惇德立愛惟親立敬

惟長始于家邦終于四海功光祖宗業垂後裔然後

可謂帝王之孝矣今 殿下於喪制一節孝則至矣
弟未知將擴充是心以全帝王之大孝耶抑只守一
節庭踵魏文宋孝而已耶如欲只守一節則非以等
所敢知也誠欲擴充是心以全大孝則立志不可不
篤進德不可不勇推行不可不慎保躬不可不重所
謂立志者必奮然振起大有為之志洗滌循常守舊
之習不作漢唐以下摸樣必期致世如三代之隆然
後儒者之言入耳而弗拂俗論之味交至而不惑矣
所謂進德者專精學問必下實功親近儒臣講明道
義居敬窮理并進不已克舜之行為已矩矱非禮之
事絕於身口然後聖賢之言不為空言允德之修日
躋罔覺矣所謂推行者身心所蘊發為政事政事一

差便見君心之不正必也施為舉錯粹然一出於天
理無一毫人欲之雜一號之下一令之出莫不悅服
人心使四境聳動以至岩穴之士彈冠振纓願立于
朝然後裏世可昂大猷薄俗可回淳風矣所謂保躬
者心者性之郭郭也身者心之區宇也身得其寧然
後心得其養心得其養然後性得其全是故聖賢之
學既知其志又養其氣使血氣充完真元不耗以助
養心之功其勢不得不然也孔子大聖而慎乎疾程
子大賢而戒忘生此豈區區為延年益壽之計哉將
以養心而全其性也況人主一身負托甚重一身失
寧便為宗社之憂尤不可不自重也今殿下立志
之篤進德之勇非臣等之所能測也第以推行一事

言之當此臣民仰觀日月之際施為舉錯不能務順
天理宮府不見一視之公寵擢或出人望之外爵賞
未免猥濫之失臺諫所爭一向違拒又不明示聖意
使羣下茫然莫測而其間決不得不從者亦留難引
日不即決斷公論不伸士氣不振似此政令恐未可
以大慰人心以基治平無乃 殿下立志或有所不
能致其篤進德或有所不能致其勇于嗚呼 祖宗
艱大之業不可不扶其危 殿下清粹之質不可不
得其養末俗不可不極民望不可再缺 殿下燕居
深思則必不以臣等之言為過計之憂也至於保躬
一事則臣等仰恃 聖明高見卓識必不膠守小節
以傷大孝第以還元丹不進之教觀之則無乃 殿下

下或未免致意於一節以忽宗社大計乎疾病之作其幾甚微中氣之虛百恙所萃今君失其滋養遂至成疾則雖日親醫官日進藥餌恐無補於已傷之王候今日臣等所憂莫切於此伏望殿下奮發大志進德修業仰念宗社保養玉體推之政事一循天理以啓東方萬世之治不勝幸甚

司諫院請勉學親賢臣劄

伏以為學在於涵養本原變化氣質為改在於虛已推誠倚任賢臣涵養之功不密則變化之術未由虛已之誠不至則倚任之道不成恭惟殿下聰明恭儉未見失德而世道日降政治不興宜特群臣數問而已哉殿下亦常慨然發憤屢形於言矣聲微而

響大形靜而影動必無之理也今日之弊豈可不深
究其究哉 殿下於燕閑之中潛寂之際其亦念及
於此乎不念則已苟或念之則豈宜付之空言不施
實功也 殿下學問庶臻高明之域而涵養變化之
功則未之聞也何則欲矯氣質之病者必先考病根
之所自然後以克己為治病之藥故先儒謝氏曰克
己須從性偏難克處克將去 殿下氣質臣等未敢
窺側第以見諸辭令者言之達旦之說終進則訑、
之色輒發是受善之量未弘也涉內之事著外則遮
障之辭轉嚴是偏繫之私未去也爭辨之語稍激則
理奪之言不從是好勝之癖未醫也三者 殿下氣
質之病必須涵養而守之於靜克而治之於動然後

可以變化矣聖賢之謨非口耳之資也終日談敬心
中各援則讀書萬卷亦有何益中庸之戒懼慎獨大
學之誠意正心伏願 殿下深致意焉 殿下好善
愛士固出於天性而推誠委任者未之見也羣臣之
少可倚信者固所自取也雖然臨御八年俯察已熟
賢惡邪心想不逃惟聖鑑豈無一人之可作腹心者
哉竊恐 殿下恬於守故之習不發必治之志故其
待群臣茫無取舍以之愛賢不切嫉惡不深人心之
靡定紀綱之不立職此之由近者經席既罕而接見
之際亦無虛已咨詢之益凡有啓沃邈然若不聞者
大臣之言亦不酬荅未知 殿下深居宴處宦官宮
妾日親之時其能潤默若此之甚乎至於大臣進退

萬民具瞻終始任賢則黎獻興起倚毗不重則羣邪
窺覲嗚呼可不慎乎頃日朴淳之適上意固出於
憫其沉綿欲使將息而第於允許之辭不示留難碩
惜之意若庶官之得解則既失敬大臣之體貌矣及
盧守慎之請仍也三啓而未允衆情疑阻士氣不振
聖心之無他其家諭而戶說乎孔子曰君使臣以禮
臣事君以忠昭烈帝曰孤之有孔明猶魚之有水君
臣之間誠意未孚而能保治乎者自古及今未之有
也雲朝都喻吁咈之樂商書股肱良臣之說殿下
深致意焉嗚呼今日朝廷所不足者實也非言也言
雖叢集效絕消埃臣等之言殿下若一覽而擲之
則不過為政院故紙而已猶不敢不言者良由官以

諫為名矢在弦上不得不發昔者朱子不以宋帝之
厭聞而廢誠正之說臣等區區之誠亦效此而已伏
願 殿下勿以人廢言試垂 睿察焉取 進止

黃海道民弊啓

庚辰

臣竊聞 祖宗朝奉命出使之臣復命時以所聞所
見民間弊癘書啓則自上下于公卿詢議釐革今臣
雖非奉使之臣而久處畎畝目覩民瘼且臣上京之
時村民多有羅列馬前號訴所問乞達 天聰者臣
今詣闕不敢默、撮其尤者條錄于左不勝惶恐
一去年黃海道秋事七八月之間禾穀甚豐茂綠漬
霜太早不能結實水田則稍有豐盛之處而間、亦
多不實若田較則全無所收廟議只聞豐稔之名不

究其實勒定全稅民方阻飢而督促其急富者賣田
貧者流離侵及族隣寃號苦楚之狀有不忍見今則
已無及矣但自今年將永定三斗之稅若然則民間
之苦每如此何可支保大抵黃海之地多田少苗
而土品比之下三道則饒瘠懸絕若下三道出稅四
斗則黃海道雖減半亦不均乎况只減一斗乎民情
皆所不樂而年々踏驗之弊亦不可不更張故民間
父老解事者咸願黃之稅定二斗云 一黃海道軍
卒赴防之弊朝廷非不詳知而西鄙閑重不能改轍
一道殘弊職此之由今聞平安兵使以壬戌年後闕
防之軍抄錄狀啓而厥數甚多其中海州為尤甚蓋
緣當身現存者少而以一族充送故其弊如此且所

謂關防者非盡不至防所者也或立防未畢未滿數
日而被侵糧盡脫身逃走者亦多而不分輕重皆論
以關防今方督送民間騷擾不勝其苦追隣逮族累
累相繼今雖入送其勢必如前逃走無益於彼有害
於此民情皆願今後申明軍令俾無開防而往年關
防之軍若當身現存則徵其償布入送西邊使之召
募給價立防若其逃亡物故老除者則特垂天恩勿
侵一族以賴民生云 一西海島中漁舡全集捉漁
舡各有稅置藉收稅而或黃海漁舡捉魚于忠清全
羅兩道海中則其處官吏又藉其舡而上其名于該
司收稅于水道小邑故捉魚人等或寢易名姓不告
以實本道按籍而推捉其人則多不知而在追捕隣

近拷掠備至而終不能得者甚多故戶常徒擁虛簿
貽獎沿海州郡而已收稅實難夫以一人之船既籍
于本邑收稅而以一二度出入他道之故又籍于他
道實非王政薄稅歛之道况徒為騷擾而實不能收
稅民情皆願本道漁船只籍于本邑而勿籍于他邑
假使籍于他邑亦當水置籍之邑收稅而勿徵于本
邑云

謂謂乃者非盡其生防再舉也
日而後使報盡其身是也
以聞乃今多督道民同降
案乃結今雖在兵革之際
亦宜其有宗廟今夜中
亦云軍府當年記存
對對辭于西亦在
辭乃謝謝亦在
直直非徒也
亦本多
領與
直辭

乙亥
三月
廿八

十

十

十

十

十

十

十

一

